

- da nisu članovi upravnog ili nadzornog odbora preduzeća / privrednog društva,
- da nisu vlasnici preduzeća / privrednog društva,
- da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa ("Službeni glasnik BiH", broj:16/02),
- da nisu osuđivani za krivična djela i privredne presteupe i da se protiv njih ne vodi krivični postupak.

Član 3.

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 01-02-21072/03/2003
29.09.2003.godine
Zenica

PREDSJEDAVAJUĆI
Husejin Smajlović, s.r.

297.

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), Skupština Zeničko-dobojskog kantona na XI sjednici, održanoj 29.09.2003.godine donosi

ODLUKU
o kriterijima za imenovanje u Izbornu komisiju Zeničko-dobojskog kantona

Član 1.

Ovom odlukom utvrđuju se kriteriji za imenovanje u Izbornu komisiju Zeničko-dobojskog kantona, (u daljem tekstu: Izborna komisija).

Član 2.

Kandidati za imenovanje u Izbornu komisiju, moraju ispunjavati sljedeće uslove:

1. Opće uslove:
 - da su stariji od 18 godina,
 - da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije objavljivanja upražnjene pozicije,
 - da se na njih ne odnosi član IX.1. Ustava Bosne i Hercegovine.
2. Posebne uslove:
 - da imaju visoku stručnu spremu pravnog smjera,
 - da imaju iskustvo na provođenju izbora u periodu od 1996-2002. godine ili da su izborni stručnjaci,
 - da nisu na funkciji u političkoj stranci
 - da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa ("Službeni glasnik BiH", broj:16/02),
 - da nisu osuđivani za krivična djela i privredne presteupe i da se protiv njih ne vodi krivični postupak.

Član 3.

Odluka stupa na snagu danom donošenja i objavit će se u Službenim novinama Zeničko-dobojskog kantona.

Broj: 01-02-21071/03
29.09.2003.godine
Zenica

PREDSJEDAVAJUĆI
Husejin Smajlović, s.r.

298.

Na osnovu člana 27. Zakona o notarima ("Službene novine Federacije Bosne i Hercegovine", broj 45/02.) i člana 16., stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Ministarstva za pravosuđe i upravu, na 10. sjednici, održanoj 16.04.2003. godine, donosi

UREDBU
o broju notara za područje
Zeničko-dobojskog kantona i njihovom
službenom sjedištu

Član 1.

Ovom uredbom uređuje se broj i službeno sjedište notara za područje Zeničko-dobojskog kantona.

Član 2.

Broj notara za područje Zeničko-dobojskog kantona je 24.

Član 3.

Broj notara za svaku općinu na teritoriji Zeničko-dobojskog kantona je:

- Općine Tešanj, Usora i Doboj-Jug	3
- Općina Maglaj	2
- Općina Zavidovići	2
- Općina Žepče	2
- Općina Olovo	1
- Općina Vareš	1
- Općina Breza	1
- Općina Visoko	2
- Općina Kakanj	3
- Općina Zenica	7

Član 4.

Službeno sjedište notara je općina za čije područje je, u skladu sa zakonom, imenovan notar, a za općine Tešanj, Usora i Doboj-Jug, službeno sjedište notara je u Tešnju.

Član 5.

Ova uredba stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 02-34-8381/03.
16.04.2003. godine
Zenica

299.

Na osnovu člana 4. i člana 16. stav 1. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na 1. sjednici, održanoj 22.01.2003. godine donosi

UREDBU o obrazovanju Kabineta Premijera Zeničko-dobojskog kantona

Član 1.

Ovom uredbom obrazuje se Kabinet Premijera Zeničko-dobojskog kantona (u daljem tekstu: Kabinet) i utvrđuje njegov djelokrug, uređuje rukovođenje Kabinetom, kao i druga pitanja od značaja za organizovanje i funkcionisanje Kabineta.

Član 2.

Kabinet obavlja organizacione, protokolarne, poslove informisanja, te druge poslove koje odredi Premijer, koji se odnose na:

- organizovanje rada Kabineta,
- pripremanje materijala, pismena po nalogu Premijera i praćenje izvršenja,
- osiguranje dokumentacionog materijala i podataka od značaja za rad Premijera i Kabineta,
- organizovanje protokolarnih poslova,
- izradu pravnih i finansijskih akata od značaja za rad Kabineta.

Član 3.

Radi vršenja poslova iz člana 2. ove Uredbe, Kabinet saraduje sa kantonalnim ministarstvima i drugim tijelima kantonalne uprave, Stručnom službom Vlade, Sekretarijatom za zakonodavstvo i drugim službama i tijelima Vlade Kantona, Skupštine Kantona, Vlade Federacije, te službama u drugim kantonima i općinama.

Član 4.

Radom Kabineta rukovodi šef Kabineta.

Šef Kabineta u pogleda rukovođenja Kabinetom ima prava i dužnosti pomoćnika ministra.

Šefa Kabineta imenuje i razrješava Vlada na prijedlog Premijera.

Nadzor nad radom Kabineta vrši Premijer.

Član 5.

Unutrašnja organizacija Kabineta utvrđuje se pravilnikom o unutrašnjoj organizaciji.

Pravilnik o unutrašnjoj organizaciji donosi Premijer, uz saglasnost Vlade.

Član 6.

Sredstva za rad Kabineta obezbjeđuju se u kantonalnom budžetu, u okviru sredstava za rad Vlade.

Član 7.

Stupanjem na snagu ove uredbe prestaje da važi Uredba o obrazovanju Kabineta predsjednika Vlade Zeničko-dobojskog kantona ("Službene novine Zeničko-dobojskog kantona", broj 12/01.) i Odluka o obrazovanju Kabineta predsjednika Kantona ("Službene novine Zeničko-dobojskog kantona", broj 10/01. i 13/01.).

Član 8.

Ova uredba stupa na snagu danom donošenja i objavljuje se u "Službenim novinama Zeničko-dobojskog kantona".

Broj: 02-34-1365/03
22.01.2003. godine
Zenica

300.

Na osnovu člana 22. Zakona o izvršavanju Budžeta ("Službene novine Zeničko-dobojskog kantona", broj 6/03.) i člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00.), Vlada Zeničko-dobojskog kantona, na prijedlog Ministarstva finansija, na 24. sjednici, održanoj 17.09.2003. godine, donosi

ODLUKU

o rasporedu sredstava za političke stranke za III kvartal 2003. godine

Član 38.

Odobrava se isplata sredstava u iznosu od 62.500,00 KM (slovima: šezdesetdvijehiljadepet stotina konvertibilnih maraka) za političke stranke koje imaju poslanike u Skupštini Zeničko-dobojskog kantona, za III kvartal.

Član 39.

Sredstva iz člana 1. ove odluke raspoređuju se tako da se iznos od 18.750,00 KM (30% od ukupno odobrenih sredstava) raspoređuje jednako svim parlamentarnim strankama, a iznos od 43.750,00 KM (70% od ukupno odobrenih sredstava) raspoređuje srazmjerno broju poslaničkih mjesta koje svaka parlamentarna stranka ima u trenutku raspodjele.

Član 40.

Raspored sredstava za političke stranke izvršen je u skladu sa Zakonom o izvršavanju Budžeta za 2003. godinu ("Službene novine Zeničko-dobojskog kantona", broj 6/03.).